
“Тепакўрғон” маҳалла фуқаролар йиғинида 3 минг метр ички йўллар асфальтлашга тайёрланмоқда

Учкўприк туманида қишлоқ ва маҳаллаларда инфратузилма билан боғлиқ энг долзарб масалаларни тизимли ҳал этиш, ички йўллар, ичимлик сув, электр таъминотини, таълим, соғлиқни сақлаш, спорт ва бошқа инфратузилма объектларини яхшилаш, шу асосда аҳоли учун муносиб турмуш шароитларини яратишга алоҳида эътибор қаратилмоқда.

Президентимизнинг 2022 йил 25 октябрда қабул қилинган “2022-2023 йилларда маҳаллалар инфратузилмасини янада яхшилаш бўйича қўшимча чора-тадбирлар тўғрисида”ги қарори асосида ҳудудларда салмоқли ишлар бошлаб юборилди.

“Тепакўрғон” маҳалла фуқаролар йиғинида ҳам ички йўллар билан боғлиқ мавжуд муаммоларни бартараф этиш ва бу орқали аҳолига қулайлик яратиш мақсадида амалий ишлар олиб борилмоқда.

Ҳозирда маҳалла фуқаролар йиғини ҳудудидаги 3 минг метр масофадаги ички йўлларга шағал ётқизиблиб, асфальтлашга тайёрланмоқда. Айни ишлар учун 1 миллиард 500 миллион сўм маблағ сарфланиши кўзда тутилган.

2023-06-20 11:50:29